



Мулла Карим хожининг ёши етмиш ёшларда эди. Ёшликда бошига кўб жабр-жафолар тушмиш, дунёдаги ҳамма азобларни тортмиш эди.

Балки сиз «мулла Карим хожи жуда камбагал бўлган экан, шунинг унун факирлик азобини, очлик жафосини тортгандир», деб ўйларсиз. Иўк. Карим хожи камбагал эмас эди. Жуда бой бўлмаса ҳам, беш-ўн минг окчаси, ўн-ўн беш ботмон шоликор ва бир кўраси, яна булар устига хатми кутуб(Хатми-кутуб — бирор доирадаги мактабни, мадрасани ўқиб тугатиш.) ҳам килган, замонадан хабардор, мусулмонларнинг фойда зарарига тушунувчи эди. Энди мендан «ўзига етарлик дунёси, хатми кутуб килган, замонадан хабардор бўлса, нима учун жабр-жафо чеккан?» — деб сўрарсиз албатта. Мулла Карим хожининг жафо чекувига халиги замонадан хабардорлиги, мусулмонларнинг фойда-зарарига тушунувчилиги эди. Мулла Карим хожининг кискача таржимаи холи мана бу: Бир вақт мулла Карим хожи охунднинг шахрида кози сайлови бўлган эди (бу вақт кирк ёшларида эди). Савдогар козилар эллибошиларга ва хокимларга минглаб, юзлаб пора тикиб, козиликни сотиб олгач, бизнинг Карим хожи кози бўлувчилар ила этишган ва уларни «хоинлар, золимлар, золим ёрдамчилари!» деб кичкирган эди. Кози бўлувчилар нафсониятка кетиб, юкори ҳукуматка мулла Карим охунд устидан: «Сиз — ҳукумат, золим экансиз, биз — козилар, сизларнинг хоин ёрдамчингиз эканмиз, шахримиз муллаларидан мулла Карим охунд, сиз — ҳукуматимизни «золим» ва бизларни «золим ёрдамчилари» деб атади. Жазосини берувингиз маржудир.(Маржу — умид,

орзу.) Мундок хуку-матка карши кишиларнинг йўк килувингизни ўтинамиз» деб ариза бердилар. Хукумат бу аризани кўруви билан дарров жандарма юбориб, Мулла Карим охундни турмага олдириди. Тўғри сўзлик жазосини тортиб, сўровсиз, несиз, икки ой ётди, уч ой ётди, тўрт ой ётди. Бешинчи ойда сўрок бўлди. Карим охунд тўғри сўзлик ўлдигидан(Ўлдигидан — бўлганидан.) сўнг:

— Хукуматни золим дебсан, — деб сўраган саволига:

— Жуда тўғри дедим, чунки хукумат жамоатнинг сайлаган киши-сини жамоат ишига киритмайдилар, ўз тиловинча иш юритадир. Жамоат бирор фойда-зарарни ажратувчини сайловга қарор берса, дарров хукумат ва хукумат бўрилари сапчийдилар. Мундай хукуматни такроро «золим» ва хукумат тарафидан кўйилган маъмурларни «золим ёрдамчилари» дейман, — деди. Суд ўлим жазосини буюрса ҳам, баъзи суддагилар девона ва телбалikka қарор бериб, ўн беш йил катр(Катр — каторга, сургун.) жазоси ила кифояландилар.

Ой ўтди, йил ўтди. Мулла Карим охунд дунёда кўрмаган азоблар ва жафоларни тортди. Ва хамиша Оллох-таолодан золимларнинг жазоси ни тилади. Ўн беш йилни азоб-укубат, хасрат ва болаларининг фиरो-кида ўтказиб, жамоат ишина аралашмаслик вазифаси ила ватанина қайтди. Болаларни ёнида кўбда турмади. Хаж ниятида сафар қилди. Муқаддас зиёрат жойларида Оллох таолодан золимларнинг жазосини тилади. Хаждан ҳам қайтди. Жамоатка аралашмаслик вазифаси ўлдугиндан, золим хукумат зулмидан ҳаммаслақлари ила бирликда шикоятланув ила кифояланди. Мундан сўнг хукумат жафосина илинмади. Илинганда ҳам Қора тўрага (пристав) ўрнидан туриб, таъзим қилмагани учун уч ой турмада ётган эди.

Энди четдангина хукумат зулмига, мусулмонларнинг эзилганларига, шу золим хукумат иш бошида турар бўлса тез вақтларда мусулмонларнинг инкирозга юз тутувларина чин-чиндан ачиниб, куйиниб золимлар хакига дуойи баддар ила кифояланди. Бу золим адолатсизлик мулла Карим хожини жабр-жафо, хасрат афсус ила қартайтирди, ёши етмишга етди.

Хар кун ўгли бозордан қайтганда янги хабарлар сўровчи бўлганликдан бу кун ҳам янги хабарлар сўради. Ўгли суюнган тусда: — Суюнчи беринг ота! Халк ва аскар бир бўлиб, хукуматни ўриндан туширган, ҳамма иш халк кўлига ўткан, эски хукумат маъмурлари ўриндан туширилиб, кўлга олинган, министрлар ҳам хибс этилган, подшо ҳам камалган, хуррият эълон қилинган, деди. Мулла Карим ота: — Хуррият?! — деди, орқасига йикилди. Ўгиллари юзига сув сепдилар. Лекин ул хушсиз эмас эди, балки шодмарг(Шодмарг — шодлик қайфиятидан ўлмок.) бўлган эди.

«Нажот» 1917 йил, 21 март.
Абдулла Кодирийдан